

**BOSNA I HERCEGOVINA**  
**UPRAVA ZA INDIREKTNO OPOREZIVANJE**

Na osnovu člana 66. Zakona o porezu na dodatu vrijednost ("Službeni glasnik BiH", br. 9/05, 35/05 i 100/08) i člana 127. Pravilnika o primjeni Zakona o porezu na dodatu vrijednost ("Službeni glasnik BiH", br. 93/05, 21/06, 60/06, 6/07, 100/07 i 35/08) kao i člana 8. Instrukcije o postupku uvođenja posebne šeme dužnika ("Službeni glasnik BiH", broj 35/08), šef Grupe za prinudnu naplatu donosi slijedeće

**RJEŠENJE**

1. UVODI SE POSEBNA ŠEMA DUŽNIKA za "ORION-3"d.o.o. PIB/JMB 4400811860002 adresa/sjedište firme: Put srpskih branilaca 25-27, Banja Luka, odgovorno lice Sukara Novo, za dug po osnovu poreza na dodatu vrijednost u iznosu od 80.144,85 KM.

2. Porezni obveznik je dužan da u svoje fakture za isporuke licima koja su registrirana za PDV unosi slijedeću klauzulu: "Iznos PDV-a naveden u ovoj fakturi se plaća Upravi za indirektno oporezivanje s pozivom na PDV-ID broj 400811860002,

3. Lice registrirano za PDV koje kupuje dobra i usluge od isporučioaca "Orion-3" d.o.o. Put srpskih branilaca 25-27, Banja Luka, plaća iznos PDV-a direktno Upravi za indirektno oporezivanje.

4. Iznosi PDV-a zadržani tokom poreznog perioda, plaćaju se do 5. u mjesecu za prethodni porezni period.

U istom roku porezni obveznik kupac je dužan dostaviti Upravi za indirektno oporezivanje listu s podacima za prethodni porezni period za poreznog obveznika dužnika prema kojem je rješenjem uvedena posebna šema, lista treba da sadrži slijedeće:

- Iznos zadržanog PDV-a
- Identifikacioni broj isporučioaca dobra ili usluga
- Identifikacioni broj primaoca dobra ili usluga koji je zadržao iznos PDV-a.

5. Posebna šema se primjenjuje od 06.09.2010. godine

6. Dužnik nad kojim se uvodi posebna šema, "Orion-3" d.o.o. Put srpskih branilaca 25-27, Banja Luka, obavezan je da rješenje kojim se utvrđuje obaveza plaćanja po posebnoj šemi istakne u poslovnim prostorijama na vidno mjesto zajedno s uvjerenjem o registraciji za PDV.

7. Žalba ne odlaže izvršenje Rješenja.

8. Ovo Rješenje će biti objavljeno u "Službenom glasniku BiH" i dnevnim novinama.

---

Broj 02/6-1-16-16-45-11506/10  
6. septembra 2010. godine  
Banja Luka

---

Šef  
Grupe za prinudnu naplatu  
**Nedim Kulenović**, s. r.

### **OBRAZLOŽENJE**

Na osnovu podatka iz programa "ALICE" kojima raspolaže Grupa za prinudnu naplatu RC Banja Luka, dužnik "ORION-3"d.o.o. PIB/JMB 4400811860002, adresa/sjedište firme: Put srpskih branilaca 25-27 , Banja Luka, ima neizmirenog duga nastalog po osnovu PDV-a za porezni period maj-juli 2010. godine u iznosu od 80.144,85 KM. Uvidom u evidenciju o zaduženju duga po osnovu PDV-a, u programu "ALICE" utvrđeno je da je dužnik "ORION-3"d.o.o. Banja Luka, uredno podnosio PDV prijave samooporezivanja ali nije vršio uplate po istim.

Protiv dužnika "Orion-3" d.o.o. Put srpskih branilaca 25-27, Banja Luka, Grupa za prinudnu naplatu RC Banja Luka, pokretala je postupak prinudne naplate duga izdavanjem obavijesti o nalogu za prinudnu naplatu i zahtjeva za uplatu u prinudnoj naplati.

Dužnik u roku od 10 dana od dostavljenih naloga za prinudnu naplatu nije izvršavao uplate, pa su izdati nalozi za pljenidbu u skladu sa članom 45. Pravilnika o provedbi Zakona o postupku prinudne naplate indirektnih poreza, ("Službeni glasnik BiH" broj 21/06").

U skladu sa članom 13. Zakona o postupku prinudne naplate indirektnih poreza ("Službeni glasnik BiH" broj 89/05) vršena je pljenidbi novca s bankovnih računa dužnika, ali se, bez obzira što je dio duga na taj način naplaćivan, visina duga se nije smanjivala već je imala tendenciju rasta.

U narednom tabelarnom pregledu data je struktura duga po vrsti i po poreznim periodima

Visina duga, struktura i period iz kojeg potiče:

Red br.	Period duga	Broj naloga za prinudnu naplatu	VRSTA DUGA			Ukupan iznos duga
			Glavni dug	Naknadni teret prinude	Kamata	
1	1007	-----	41.231,00			41.231,00
2	1006	02/6-1-16-16-45-9079/10	24.198,00			24.198,00
3	1005	02/6-1-16-16-45-7688/10	13.215,85		1.500,00	14.715,85
		<b>UKUPNO:</b>	<b>78.644,85</b>		<b>1.500,00</b>	<b>80.144,85</b>

Ova odluka temelji se na Instrukciji o postupku uvođenja posebne šeme dužnika ("Službeni glasnik BiH", broj 35/08).

Članom 66. stav 3 Zakona o porezu na dodatu vrijednost, propisana je mogućnost da UIO naloži za određene registrirane porezne obveznike koji su u dugu - dužnike da se PDV na isporuke registriranim obveznicima PDV-a plati od strane primaoca isporuke.

Ovakav način plaćanja podrazumijeva uvođenje posebne šeme dužnika koja se primjenjuje u ovom slučaju na obveznika "ORION-3"d.o.o., Put srpskih branilaca 25-27, Banja Luka, iz razloga što je u pitanju značajan iznos poreznih prihoda, te bi se uvođenjem posebne šeme izbjeglo dodatno akumuliranje duga, kao i efikasnija naplata već dospjelog duga.

Na osnovu utvđenih činjenica, osnovom člana 6. stav 1. Instrukcije o postupku uvođenja posebne šeme dužnika, i člana 8 stav 1. Instrukcije, Grupa za prinudnu naplatu RC Banja Luka je dana, 20.07.2010. godine, dostavila dužniku "ORION-3"d.o.o. Banja Luka **pismo namjere**, protokolirano pod brojem: 02/6-1/1-16-16-45-8650/10 u kojem ga obavještava o iznosu duga i namjeri uvođenja posebne šeme ako dužnik u roku od 30 dana ne izmiri dug ili ne obezbijedi adekvatnu garanciju za plaćanje duga, kako je propisano odredbama člana 128. stav 1 i 2. Pravilnika o primjeni Zakona o porezu na dodatu vrijednost. U pismu namjere dužniku je ukazano na obaveze koje mu se stavljaju na teret uvođenjem u postupak posebne šeme, shodno odredbama člana 128. stav 3. Pravilnika o primjeni Zakona o porezu na dodatu vrijednost. Kako obveznik u ostavljenom roku nije izmirio dug niti je dostavio obavještenje o mogućnosti obezbjeđenja adekvatne garancije, odlučeno je da se na ovog obveznika primijeni posebna šema radi obezbjeđenja naplate.

Prilikom donošenja odluke o uvođenju posebne šeme dužnika Grupa za prinudnu naplatu rukovodila se slijedećim razlozima: kontinuirani iznos duga, rizik po javne prihode, kao i

procjenom smanjene vjerovatnoće za naplatu poreza na dodatu vrijednost bez uvođenja posebne šeme, historijat ponašanja poreznog obveznika, kreditnom zaduženošću poreznog obveznika, kao i općim ekonomskim stanjem poreznog obveznika u budućnosti.

Shodno odredbama člana 128. stav 4. Pravilnika o primjeni Zakona o porezu na dodatu vrijednost, ovo Rješenje će biti objavljeno u "Službenom glasniku BiH" i tri najčitanije dnevne novine, a isto ste dužni istaknuti u poslovnim prostorijama na vidno mjesto zajedno s uvjerenjem o registraciji za PDV.

Žalba ne odlaže izvršenje Rješenja shodno odredbi člana 137. stav 1. Zakona o postupku indirektnog oporezivanja ("Službeni glasnik BiH", broj 89/05),

**Pouka o pravnom lijeku:**

Protiv ovog Rješenja može se uložiti žalba prvostepenom organu u roku od 15 dana od dana prijema Rješenja, neposredno ili poštom, taksirana sa 10 KM administrativne takse u skladu sa tarifom Zakona o administrativnim taksama BiH ("Službeni glasnik BiH", broj 16/02,19/02, 43/04, 8/06 i 24/06).